



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput CXLVIII. Tempus & locus faciendæ restitutionis.

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

tur. Cur enim domini tunc minus rationabiliter forent invitti, quam in eo quod meum mortis, vel alterius gravioris mali, à militibus compulsi, fores effringerent, pecoraque ex dominorum stabulis abigerent? Quod quomodo excusari possit, Sylvius fatetur se non videre; licet Lessius excusat.

<sup>1416</sup> Superest una quæstio circa participantes, seu cooperantes discutienda, an quando plures eamdem domum, vineam, hortum, &c. iustè spoliant, notabileque damnum domino domus, vineæ, &c. inferunt, singuli tenentur ad totum damnum, an ad partem duntaxat?

Respondeo 1º. si communi consilio, vel instigatione, ac velut unâ manu spolient, singuli tenentur ad totum: quia ad totum reverâ concurrunt, singulique censentur causa totalis illius totalitate effectus, licet solum partialis partialitate causa. Hic proinde locum habent ea quæ supra dixi, sicut & quod S. Bernardinus Senensis serm. 31. in Domin. 4. Quadrag. a. 2. c. 1. cum Hostiensi dicit: Quid si multi ad rapiendum concurrunt, nec aliquem habens ducem, supra se, neque unus alium animauit magis, quam alius eum, sed simil convenienter ad rapinam? . . . secundum Hostensem tuus ac verius est, quod quilibet in solidum obligatus intelligatur: quia ad rapinam concordes fuerunt.

<sup>1417</sup> Respondeo 2º. si eodem tempore domum, vel vineam, vel etiam pagum, vel oppidum ingressi fuerint ad rapiendum, non communni consilio (qua nullus induxit alium ad hoc, nec erat alius dominus alterius, sed quilibet per se ivit.) Ad hoc (inquit S. Raymundus in Summa l. 2. tit. de raptor. §. 21.) credo dicendum, quod si vadunt insimul, quasi sit unus exercitus, quilibet teneatur in solidum. Et est ratio, quia in tali casu quilibet præter alias, & facit eos fortiores: isti enim dici possunt squamma sese prementes, de quibus Job 4.1. Corpus illius quasi scuta fusilia, compactum, squammis se prementibus. 2. Facit ad hoc extrav. de homicid. sicut dignum. Et omnes sunt cooperatores. Quare quilibet tenetur in solidum. . . . Alias & non verum simul, sed quilibet per se separatum faciebat damnum, quilibet tenetur pro eo quod facit. Haec tenus S. Raymundus.

### C A P U T C X L V I I .

#### De circumstantiis facienda restitutionis.

<sup>1418</sup> Circumstantiae illæ sunt, qui, quid, quantum, cui, quo loco, quo tempore, quo modo, & quo ordine restitutio facienda sit. De circumstantiis quis, quantum, & cui, fatis dictum est in superioribus. Solum addo, quod dum Communitas aliqua læsa fuit, ipsi, non membris particularibus ipsius, nec pauperibus facienda sit restitutio. Si non Communitas, sed per multi particulares de Communitate,

& isti determinatè cognosci nequeant, sed determinatè dumtaxat, ut dum usus fuisti mensuris, vel ponderibus dolosis: restituere debes particularibus de Communitate, frequentantibus officinam tuam, per aliquod commune bonum, v. g. augmentum ponderis, vel mensuræ, quo damnum illatum, iudicio prudentum, quantum possibile est, compensetur, & compensatio inter damnificatos dividatur. Ita Malederus, Beccanus, Sylvius, Petrus Navarra, Layman, Reginaldus, & alii: nisi procuretur & obtinetur Bulla compositionis, de qua videri potest Diana p. 4. tr. 4. resol. 46. Sed haec solum liberat a restituzione, dum damnum passi nullo modo sunt cogniti, bonaque restitunda sunt incerta; eoque titulo restitutio pauperibus facienda est. Quod procedere non videtur in casu præsenti, in quo, praeter modum assignatum restituendi particularibus de Communitate, aliud suggestum Navarra de restit. l. 4. c. 2. n. 69. ubi ad questionem, cui restituere debet, qui civibus Civitatis A. triticum vendidit plus justo pretio, per legem taxato, dum determinatè nescit quibus? Hunc modum suggerit: *Maior* (inquit) per terrium personam summam defraudatam ad Magistratum ihesu Crostatis, cum hoc venire, ut per aliquod tempus faciant panem cotulum minori pretio vendi, vel ejus mensuram accrescere, usquequod perveniat ad summam restitutam; mensura incrementum, vel pretii decrementum pistoribus de illa summa compensando; sic rives à domino quod passi sunt relevabuntur.

### C A P U T C X L V I I I .

#### Tempus & locus facienda restitutio.

D E tempore etiam suprà diximus cum Sancto Thoma q. 62. a. 8. & aliis communiter, esse faciendam quamprimum moraliter potest: quia detinens rem alienam (absque consensu domini) dum potest tam restituere, impedit eum ab usu rei sua; & sic facit ei injuriam, ait S. Doctor.

Idèo absolvendi non sunt potentes ante effectivam restitucionem, dum restituere potentes, non restitunt; maximè si fidem alias Confessario datum de statim restituendo non servaverint. Sunt enim in continuo statu peccati. Si dicant: *Pater mihi hac vice restitutam, reponat Confessarius: Si vis me credam tibi, postquam deceperisti me: vade modo in illa tua bona voluntate, & restinne. Dom hoc feceris, ad me rediens absolvieris.* Ita Cajetanus in Summa verbo restitutio cap. 6. Ceterum qui habens firmum restituendi propositum, absque notabilis incommode domini, differt ad breve tempus, v. g. ad tres vel quatuor dies, non est facilè de mortali condemnandus; immo nec de veniali, si sic differat ex rationabili causa, v. g. quia meliorem expectat opportunitatem: fecis, si ad lon-

gum tempus differat, cum possit statim; vel si magnam debens summan, simul & semel solvendam, invito creditore, nollet nisi per partes, & intervalla non modica solvere, v. g. per singulos menses, vel annos. Et à fortiori si differre vellet, donec à Judge compelleretur. Quo casu, præter mortale peccatum, obligationem incurret creditori restituendi expensas, ad ipsum compellendum factas. Ita Medina, Sotus, & alii, apud Dicastillum disp. 10. n. 6.

<sup>1422</sup> Quid locum ubi facienda est restitutio, altere de possessore bonæ fidei, altere de male fidei possessor philosophandum. Primus namque, qui solum tenet ratione rei accepte, satisfacit repræsentando rem in loco ubi eam possidet. Per consequens non tenet eam ad dominum transmittere, nec expensas facere pro restitutione, & siquas pro utilitate domini fecerit, eas potest repeter. Quia, cum sit innocens, non tenetur subire damnum, ut dominum reddat indemnum. Ita Doctores communiter.

<sup>1423</sup> Secundus vero, qui restituere tenetur ratione iustæ acceptiois, tenetur rem (si extet) vel ipsius pretium domino restituere eo loco, ubi dominus eam (si sublata non fuisset) erat possessor, cumque in finem expensas necessarias facere, iis deductis quas dominus ipse fecisset, ad rem ibi conservandam, vel cō transferendam. Ita etiam Doctores communiter: quia alias dominum non redderer indemnum.

<sup>1424</sup> Nec refert quod expensæ in transmittendo adæquaturæ sint, vel etiam parum superaturæ valorem rei. Est enim proverbium: *tu miseris, tu exmede*, id est tu causam dedisti expensarum istarum, tu ergo expende, & expensas tibi imputa. Si tamen expensas notabiliter superaturæ essent rei valorem, sufficeret pretium transmittere, vel cum domino convenire, qui videretur tunc ex charitate, vel humanitate pretio esse debere contentus, si sua non multum interefset. Tunc enim inhumanum videretur, cum tanto debitoris incommodo, velle rem sibi in specie restituiri, dum non multum interefset eam restitui in æquivalenti.

## C A P U T CXLIX.

## Modus facienda restitutoris.

<sup>1425</sup> Circa restitutoris modum quæsi possunt quinque. 1º. an occulte fieri posse, an publice fieri debeat? 2º. an satisfaciat, qui tam occulte restituit, ut ne laesus quidem advertat, v. g. si singas te donare, quod revera vis restituere? 3º. quid si scias creditorem, ex putata tua liberaliter impulsum nisi ad tantumdem alia in occasione redonandum, non redonaturum, nisi antea donastes? 4º. an liber sit à restitutione, vel solutione, qui debitæ restitutoris immemor, gratis donat centum ei cui restituere debet cen-

tum? 5º. an liber sit, qui ob infamie periculum restituere non valens per seipsum, rem debitam domino, vel creditorū mitit per interpositam personam, communiter existimatam fidem, quæ cum re aufugit?

Ad 1<sup>um</sup>. quæsitum respondeo, satis esse, <sup>1426</sup> si restitutio fiat occulte, v. g. per Confessarium, nisi ad tollendum scandalum, vel offenditionem publicam, facienda sit publice, prout fieri debet v. g. ab usurario publico. Extra quem casum fama non est de necessitate exponenda pro pecunia, si hæc aliter restitui queat.

Ad 2<sup>um</sup> respondeo quod sic: quia sic equidem reddis quod debes, modo cavatur inconveniens questiæ tertii.

Ad 3<sup>um</sup>. aliqui dicunt, satis esse quod sic <sup>1427</sup> restituatur, licet suppetat alijs restituendi modus per Confessarium, modo non finixeris te gratis donare, ad finem dictæ redonationis, sed purè intenderis finem restitutoris: quia tunc non censuris dolo egissis, nec alterum deceperis formaliter, sed materialiter duntaxat: eò quod effectus redonationis per accidens conjunctus sit cum effectu talis restitutoris, quam solam supponeris intendisse. Sed quomodo alterum non deceperis formaliter, dum ipsi intentus es, dicendo, te gratis donare: cum id non intendes, sed restituere? Dolosè ergo egisti, verbo aliud significando, quam in mente haberes. Et si nihil aliud intendebas, quam restituere precisè, quid opus erat proximum decipere, cum absque deceptione & fictione facile posse per Confessarium restituere? Si ergo homo sincerus es, ratione fictionis tuae debes restituere, vel redonationem non acceptare: utpote non futuram, nisi fingendo deceperis. Neque enim credibile est in praxi nihil aliud te reipsa nisi puram restitutoris intendisse, non redonationem, dum finixisti te gratis donare. Utique ista mera est speculativa metaphysica, quæ non attenditur in practicis, sed ea quæ in praxi semper, vel ferè semper contingunt.

Ad 4<sup>um</sup>. affirmativè respondent Baldellus <sup>1428</sup> & Trulleneck, probabileque censet Diana p. 5. tr. 13. refol. 94. 1º. quia licet expresse non intendat solvere, vel restituere, sed gratis donare, id tamen intendit implicitè: quia unusquisque censendus est per ea quæ facit, satisfacere velle obligationibus suis, si quæ habet, nisi de opposito constet.

2º. etiam si id ne implicitè quidem intendit, equidem iustitiae debito satisfaciſſe censendus est: utpote cui satisfaciē potest absque intentione ei satisfaciendi, quemadmodum satisfaciē potest obligationi voti, vel præcepti audiendi Sacrum, audiendo Sacrum cum intentione per illud non satisfaciendi voto, vel præcepto.

3º. si quis in somno, vel ebrietate dedisset centum ei cui totidem ex iustitia debebat, non teneretur ipsi solvere alia centum, licet

Y y 2

Tom. II.